



Chicheina, Sahrohpasana nata Titohna Ministry Thotlâh râh Hmahsiena Thana

Zawpi vâtlâh hmahsiena pachhuhpanohpa

Zawpi Vâtlâh Hriaparaohpa Hmahsiena

Mopasia theipa achâ aw




Raihria patlôh chiehpa zydua cha moh pasia ta apyhtlâh châ awpa abyuh. Mopasia tita, zawpi ta mopasiana, raihriana kyh lâta athaipa zy mopasiana, Râpôhpa sôh mopasiana supipa tawhta mopasiana, khizaw pôhpa be tawhta mopasiatuhpazy mopasiana zy a châ.

Sôh sâ Kawmiti




Khieh kôsih duahmo liata paduapa Khiehchhôn Hmo achhuanohpa kawmiti mebâh hry tawhta atlyh ta paduaha a châ. Kawmiti Chairman, sôh rotuhpa nata mebâ 3 pa paduapa châ aw ta, achyeh chai ta chanô pa kha pahlaow awpa a châ. Khieh kôsih chhôn khieh kha liata sôh rotuhpa pa kha chyuh paduapa achâ aw.

Sôh kyh achuna

Sôh sâ kawmiti padua khai tawh khiehchôn zawpi châta achuna pahruapa acha aw. Be chabu taona, tao chiehpa châhna ruapa pabiena, tâkâ paphaona tâkâ la pangiana nata hmâ papuana, ripaw rona zydua cha zawpi ama tao thai nawpa ta pachu awpa.



Sôh mohôhna



Alâhân kaw awpa abyuh

Sôh sâ kawmiti ta:-

(a) Thla to sôh kyh ripaw kawpi

(b) Rai pachhah pachhuhpa raihria patlôna tâkâ hmâpa kawpi (c) Rai zydua hria patlôna liata tâkâ hmâna kawpi zy cha chyhna to pahno theina liata tawpa châ aw ta, Myone khieh hmahsiena phisâ lâ paphaopa a châ hra aw.

Ripaw (a) nata (b) cha Râpôhpa phisâ nata website zy liata chhau palâsapa a châ hra aw.

Tâkâ paphaona

Khieh kôsih be pahy khai, abyuhpa raihriana dâh achu khai, tâkâ kyh liata nahla veichâhna moh ro khai tawhta khieh kôsih moh ta be châbu lâ tâkâ paphaopa a châ aw. Anodeikua, didiahpa hmâna tah leipa, raihria pachhuhpanohpa zy châta tâkâ cha raihria pachhuhpanoh chhielepa a pyh khai tawh deita tâkâ thaoh ta hmâpa a châ aw. Khieh hmahsiena pachhuhpanohpa raihriana kyh tâkâ hmâna zydua cha sôh sâ kawmiti ta a hria aw.

Be châbu pahysih

Be châbu pahy tita khieh kôsih hmahsiena kawmiti Chairman, Sôh sâ kawmiti Chairman nata khieh hmahsiena pachhuhpanohpa kawmiti mebâh pa kha zy moh ta pahyapa a châ aw. Tâkâ thao tita Sôh sâ kawmiti Chairman, Khieh kôsih hmahsiena pachhuhpanohna kawmiti zy Chairman pa no, zydua pa thôn hry ta pa no moh ropa ta taka thaopa a châ aw.

“ Khitlâh hmahsiena châta zawpi vâtlâh hria paraoh suh vy”